




Kien state in Indiana ej jiroñ bwe aolep niñniñ ren bōk kakōlkōl in niñniñ rej kab lōtak. Meñe kwō lak lale emman an niñniñ eo nejaṃ mour, emaroñ wor an nañinmej ko relap me renaaj kōmman bwe en apañ an edeklōk ak bwe en mej.

Ñe rej etale niñniñ eo rej kōmmani jilu kakōlkōl ko me re maroñ in kwalōk elōñlōk jān 30 kain nañinmej ko. Rej kōmmani kakōlkōl kein jilu jān 24 lōk ñan 48 awa ālikin an niñniñ eo lōtak. Bōk melele kōn kakōlkōl kein ilal im scan e QR code ñan kalaplōk aṃ melele.

### Kakōlkōl in Bōtōktōk Mōrā (Dried Blood Spot-DBS)

Kakōlkōl in Bōtōktōk Mōrā (DBS) ej juon kakōlkōl e pidodo, im e mōkaj aer kōmmane kōn aer wākare jidik jimwin neen niñniñ eo. Mōjan an lōtak niñniñ eo rej wākare jidik jimwin neen im likūt bōtōktōk ioun juon kain peba. Rej jilkinlōk bōtōktōk in, me rej na etan, lipjinjin in bōtōktōk, ñan lab in etale niñniñ ro rej kab lōtak etale im pukōt tarrin 30 nañinmej ko me e jeja aer walōk, bōtab re kauwatata im niñniñ eo ej bōk e jān jemān ak jinen. Taktō eo an nejaṃ enaaj kwalōk rijool ko ñe ewor alikkar. Ekkā wōt im renaaj kaalikkarwōj ilo appointment eo moktata an niñniñ eo.



### Kakōlkōl in Nañinmej in Menono me e Walōk ilo iien Lōtak

Kakōlkōl in Nañinmej in Menono me e Walōk ilo iien Lōtak (Critical congenital heart disease-CCHD) ej juon kakōlkōl e mōkaj im ejab metak. Rej kajerbal juon wāween joñwe etan pulse oximetry me ej lale joñan oxygen ilo bōtōktōken niñniñ eo im kajoorin menono eo an im ārin. CCHD ej kōnono kōn elōñ kain nañinmej ko an menono; re maroñ lo jiljilimjuon nañinmej in CCHD ko kōn aer kajerbal kakōlkōl eo in pulse oximetry. Rej aikuj in taktōiki aolepen nañinmej kein, ekkā wōt im re aikuj in mwijmwij, im ren mōkaj in kōmmane ālikin an niñniñ lōtak. Elaññe niñniñ eo ewor an nañinmej in CCHD im ejab mōkaj in taktō, e maroñ jorrāan ilo elōñ wāween, im e maroñ mej.

### Kakōlkōl in Roñjake

Niñniñ eo nejaṃ en bōk an kakōlkōl in roñjake mōkta jān an diwōj aupitol ak mokta jān an tōpar juon an allōñ. Kakōlkōl in roñjake in enaaj kwalōk elaññe emman an niñniñ eo nejaṃ roñjake ak elaññe renaaj aikuj in kōmmani elōñ bar teej ko. E pidodo im mōkaj teej in, im re maroñ kōmmane ilo iien an niñniñ eo nejaṃ kiki. Ñe niñniñ eo nejaṃ e jaroñroñ, emaroñ kōmman bwe en rumwij an kōnono im katak. Ilo Indiana, aolep lōken ruo raan e lōtak juon niñniñ im e jaroñroñ. Elaññe niñniñ eo nejaṃ e jaroñroñ ak e mōjño an roñjake, elōñ jipañ ko re pellōk ñan nejaṃ im baamle eo aṃ. Elōñ katak ko rej kwalōk bwe ñe taktō rej lale bwe juon niñniñ e jaroñroñ ak e mōjño an roñjake mōkta jān an tōpar 3 allōñ rüttoun, im remaroñ jipañ e mokta jān an tōpar 6 allōñ rüttoun, emaroñ kōnono im melele joñan wōt ajri ro jet.

### Aorōken Aṃ Kāälōt Juon Taktō in Ajri

Ñe kwōj kāälōt juon taktō in ajri mōkta jān an niñniñ eo nejaṃ lotak enaaj kadiklōk aṃ abañ im enaaj kōmman bwe en emman mour eo an jān jinoin an lōtak. Jab melōklōk in kwalōk etan taktō eo an nejaṃ im talboon eo an ñan aupitol eo ak taktō in kūrae. Renaaj kwalōk tōpraken kakōlkōl ko ñan taktō eo an niñniñ eo nejaṃ. Elaññe rej aikuj bar etale niñniñ eo nejaṃ, taktō eo aṃ enaaj calle yuk im kōnono ippaṃ kōn buñtōn ko im kwōn loori.

## Kakōlkōl in Lipjinjin in Bōtōktōk e Mōrā (DBS)



Scan ijo ñan iiooni Alison im Grant nejan, me raar lo *nañinmej in Pompe* ippān kōn aer kōmmāne kakōlkōl in lipjinjin in bōtōktōk e mōrā. Lale wāween an kakōlkōl rōt in jipañ Grant kōnke ear mōkaj aer lo juon nañimej ke ej kab lōtak im elap an men in jipañ an mour. Im lale tokjān teej rōt in.

<https://www.youtube.com/watch?v=fFZplAmjCSE>

## Nañinmej in Menono e Kauwatata ilo iien Lōtak (Critical Congenital Heart Disease-CCHD)

Scan ijo ñan bōk melele kōn Jennifer im Madison, leddik eo nejan, me ear ruo jorrāān ro ilo menono eo an- *pulmonary stenosis im atrial septal defect* – raar lo men kein ke raar kōmmāne kakōlkōl in CCHD. Bōk bar melele kōn kakōlkōl in CCHD im wāween an kakōlkōl rōt ilo lukkuun jipañ Madison ilo mour eo an.

<https://www.in.gov/health/gnbs/information-for-families/family-stories/>



## Kakōlkōl in Roñjake



Scan ijo ñan roñjake elōñ bwebwenato ko kōn baamle ro me niñniñ ro nejaer raar jab pāaje kakōlkōl in roñjake. Bōk bar melele kōn aorōken aṃ jelā tōprakīn kakōlkōl in roñjake im wāween an niñniñ eo nejaṃ bōk jipañ ko remmantata. <https://vimeo.com/542185866>

## Jipañ ko ikijjien Kakōlkōl ñan Niñniñ ro rej Kab Lōtak

Kwō kōnaan ke bōk bar melele? Email kōm ilo

[NewbornScreening@health.in.gov](mailto:NewbornScreening@health.in.gov) ak calle **888-815-0006** im scan ijo ñan bōk melele kōn jipañ ko ikijjien kakōlkōl ñan niñniñ ro rej kab lōtak!

<https://www.in.gov/health/gnbs/information-for-families/>

